

國學萃編
成惕軒選注

駢文選注

正中書局印行

成惕軒選注

國學
萃編

駢文選注

正中書局印行



究必印翻

有所權版

版初臺月三年十六國民華中

版二臺月三年三十六國民華中

注選文駢學國

編翠

角六元二精 價定本基 冊一全
角六元一平

(費滙費運加酌埠外)

軒 楊 成 者 注 選

潔 李 人 行 發

局 書 中 正 刷 印 行 發

(號十二路陽衡市北臺灣臺)

號二十段一路昌南市北臺灣暫

司 公 書 圖 成 集 銷 經 總 外 海

(下地號三五—街衣洗角旺龍九港香)

店 書 風 海

(地番六五目丁一町保神田神區田代千都京東本日)

申(6343)號八七六〇第字業臺版內 證記登部政內

(1000)

卷頭語

- (一) 本書所選之駢文，上自東漢，下迄遜清，共計四十篇。作者四十人，依時代之先後爲次。
- (二) 東京以降，駢體代興；傑構名篇，浩如煙海。本書所錄數量極少，僅供初學閱覽之資；若欲深研，自非多讀各家專集不可。
- (三) 爲引發初學興趣起見，除少數篇幅較長外，大都以短篇爲主，俾便循誦。
- (四) 註釋文字，力求簡易；惟羣書浩瀚，引述或疏，尙希通家是正。
- (五) 本書由陳弘治、洪順隆兩碩士作初步整理，並此志謝。

中華民國五十九年十二月成惕軒敬識

駢文選注 目錄

- 一、封燕然山銘……………班固……………一
- 二、郭有道碑……………蔡邕……………七
- 三、與朝歌令吳質書……………曹丕……………一四
- 四、王仲宣誄……………曹植……………一七
- 五、薦禰衡表……………孔融……………二七
- 六、祭屈原文……………顏延之……………三三
- 七、蕪城賦……………鮑照……………三七
- 八、敕條制禁奢靡詔……………南齊武帝……………四五
- 九、求自試表……………王融……………四七
- 十、恨賦……………江淹……………五〇
- 十一、追答劉秣陵沼書……………劉峻……………五六
- 十二、與李那書……………徐陵……………五九
- 十三、經通天臺奏漢武帝表……………沈炯……………六八

- 十四、禁浮華詔……………北齊文宣帝……………七三
- 十五、哀江南賦序……………庾信……………七五
- 十六、與周弘讓書……………王褒……………八三
- 十七、答刺史杜之松書……………王績……………八九
- 十八、答王績書……………杜之松……………九四
- 十九、遊冀州韓家園序……………王勃……………九八
- 二十、與博昌父老書……………駱賓王……………一〇二
- 二十一、洛州張司馬集序……………張說……………一〇九
- 二十二、送秘書晁監還日本詩序……………王維……………一二一
- 二十三、奏天改元大赦制……………陸贄……………一三二
- 二十四、獻河東公啓……………李商隱……………一四五
- 二十五、賀中書門下平澤潞啓……………杜牧……………一五〇
- 二十六、香奩集自序……………韓偓……………一五三
- 二十七、又玄集序……………韋莊……………一五九
- 二十八、大宋左千牛衛上將軍追封吳王隴西公墓誌銘……………徐鉉……………一六八

二十九、手詔令視事謝表	王安石	一八三
三十、謝量移汝州表	蘇軾	一八七
三十一、謝賀生日啓	眞德秀	一九一
三十二、隆佑太后告天下手書	汪藻	一九三
三十三、謝葛給事啓	陸游	一九八
三十四、上尹制府乞病啓	袁枚	二〇五
三十五、送黃生漢鏞往徽州詩序	邵齊燾	二一二
三十六、自序	汪中	二一六
三十七、詹石琴詞序	吳錫麒	二二七
三十八、苕消夏灣記	洪亮吉	二三五
三十九、謝父執梁山舟侍講書楹帖啓	孔廣森	二三八
四十、秋湖觴芟圖序	曾燠	二四一

一、封燕然山銘

班固

惟永元○元年秋七月，有漢元舅○，曰車騎將軍○竇憲○，寅亮聖皇○，登翼○王室，納於大麓○，惟清緝熙○。乃與執金吾○耿秉○，述職巡禦○，治兵於朔方○。鷹揚之校○，螭虎之士○，爰該六師○，暨南單于○東胡○烏桓○西戎氐羌○侯王君長之羣○，驍騎十萬，元戎○輕武○，長轂四分○，雷輻蔽路○，萬有三千餘乘，勒以八陣○，莅以威神○，玄甲耀日，朱旗絳天○。

遂凌高闕○，下雞鹿○，經磧鹵○，絕大漠○。斬溫禺○以鼙鼓，血尸逐○以染鏑○。然後四校○橫徂，星流彗掃；蕭條萬里，野無遺寇。於是域滅區殫，反旆○而旋，考傳驗圖○，窮覽其山川。遂踰涿邪○，跨安侯○，乘燕然，躡冒頓之區落○，焚老上之龍庭○。將上以攄高文之宿憤○，光祖宗之玄靈；下以安固後嗣，恢拓境宇，振大漢之天聲○。茲可謂一勞而久逸，暫費而永寧也。乃遂封山刊石，昭銘盛德。其辭曰：

「樂王師兮征荒裔○，勦凶虐兮截海外○，覓其邈兮互地界○，封神邱兮建隆嶺○，熙帝載兮振萬世○。」

【作者】

班固，字孟堅，東漢扶風安陵（今陝西咸陽縣東）人，生於光武帝建武八年，卒於和帝永

元四年，年六十一。固幼承家學，九歲能文，明帝時爲郎，典校秘書，續成父彪所著漢書。和帝初，竇憲征匈奴，以固爲中護軍行中郎將事。後憲與宦官爭權，坐罪被殺。固因免官，爲洛陽令种兢捕繫，下獄死。著作除漢書外，尙有白虎通德論；班蘭臺集（見漢魏六朝百三家集）。傳見後漢書。

固所著漢書，與史遷齊名，世稱班馬。餘如典引諸作，精練該密，淵雅靡麗。張溥曰：「大體取象前型，制以心極。」譚獻曰：「已有姿致，漸就整密，一變西漢之格，全學子雲古勁，便欲相匹。」

【題解】

燕然山，卽今外蒙古三音諾顏部杭愛山。東漢初年，匈奴分南北，南單于附漢，北單于屢寇邊。和帝永元元年，以南單于之請，命竇憲帥師討伐，漢軍長驅直入，追北單于至此，以銘辭刻石紀功，揚漢威德。時固爲中護軍，受命作銘。

銘爲文體之一，或以紀功，或以垂戒。本篇爲紀功之作，敘述事由，文辭簡古，銘亦音節瀏亮。譚獻曰：「瑰瑋絕特，追琢金玉之文。」又曰：「寬博。」

【注釋】

①永元：後漢和帝年號。（見後漢書和帝紀）
②元舅：元，大也，長也。憲爲竇太后兄，故曰元舅。詩大雅崧高：「不顯申伯，王之元舅。」
③車騎將軍：漢文帝置，位比三公。（見漢書文帝紀，百官志）
④竇憲：東漢扶風平陵（今陝西咸陽縣）人，字伯度，和帝

母竇太后之兄。和帝卽位，年僅十歲，太后臨朝，以憲爲侍中，擊匈奴，大破之，還拜大將軍，權重朝野。帝長，與中常侍鄧謀誅憲，逼令自殺。⑤寅亮聖皇：寅亮，敬信也。或云敬明。尙書周官：「寅亮天地，弼予一人。」傳：「敬信天地之教，以輔我一人之治。」蔡傳：「寅亮者，敬而明之也。」聖皇；謂和帝，稱聖表尊敬之意。班固東都賦；「於是聖皇乃握乾符。」書言故事：「尊稱天子曰聖皇、聖帝。」⑥登翼：謂憲升爲三公而輔王室。⑦納于大麓：尙書舜典：「納于大麓。」傳：「麓，錄也。納舜使大錄萬機之政。」⑧惟清緝熙：惟，發語詞。緝熙，光明。詩大雅維清：「維清緝熙，文王之典。」言政治清明。⑨執金吾：官名。原名「中尉」，掌巡查京師。武帝太初元年，更名執金吾。應劭曰：「吾者，禦也。掌執金革，以禦非常。」顏師古曰：「金吾，鳥名也。主辟不祥。天子出行，職主先導，以禦非常，故執此鳥之象，因以名官。」級爲中二千石。⑩耿秉：東漢茂陵（今陝西興平縣）人，性勇壯，好兵法，有將略。明帝時任駙馬都尉，與竇憲征北單于，封美陽侯。○述職巡禦：述職，述己所守之職務。左傳昭公五年：「小有述職，大有巡功。」孟子梁惠王：「諸侯朝於天子曰述職。」述職者，述所職也。巡禦是巡視邊陲。韻會：「禦，通作圉。」說文：「圉，一曰邊陲。」⑪治兵朔方：古禮凡出師曰治兵。左傳僖公二十七年：「楚子將圍宋，使子文治兵於睢。」朔方，郡名。漢武帝逐匈奴，取河套一帶，置朔方郡，轄有今綏遠境鄂爾多斯諸地。⑫鷹揚之校：軍隊威猛如鷹之飛揚。詩大雅大明：「維師尙父，時維鷹揚。」傳：「鷹揚，如鷹之飛揚也。」校卽將校。漢書胡建傳：「與護軍諸校。」注：「校者，軍之

諸部校也。」
 ② 螭虎之士：螭虎喻兵士之驍勇也。班固典引：「虎螭其師，革滅天邑。」虎螭均爲猛獸。
 ③ 爰該六師：爰，於是。該，備也。六師，詩大雅常武曰：「整我六師，以修我戎；」文王曰：「周王于邁，六師及之。」六師卽六軍也。
 ④ 南單于：時匈奴分南北，南單于屯屠河立，上言願發諸部胡會虜北，竇太后從之。
 ⑤ 東胡：種族名。在匈奴東，今稱通古斯族。
 ⑥ 烏桓：部落名，東胡別種，漢初爲匈奴所滅，退保烏桓山，因以爲號。
 ⑦ 氐羌：皆西戎種族名，屬西藏族，後漢時生息於甘肅西部。
 ⑧ 侯王君長之羣：指歸附從征諸族之大小首長。
 ⑨ 元戎：大兵車。詩小雅六月：「元戎十乘，以先啓行。」集傳：「元，大也。戎，戎車也。」
 ⑩ 輕武：古時戰車。輕卽輕車。周禮春官車僕：「輕車之萃。」注：「輕車，所用馳敵致師之車也。」史記衛青傳：「輕車武射。」武亦爲戰車。孫吳兵法：「有巾有蓋謂之武。」
 ⑪ 長轂四分：謂兵車四面分散。穀梁文公十四年：「長轂五百乘。」
 ⑫ 雷輜蔽路：謂輜重車佈滿路上。漢書揚雄河東賦：「奮電鞭，驂雷輜。」
 ⑬ 勒以八陣：用八陣法統御。雜兵書：「八陣者，一曰方陣，二曰圓陣，三曰牝陣，四曰牡陣，五曰衝陣，六曰輪陣，七曰浮沮陣，八曰雁行陣。」
 ⑭ 莅以威神：莅，臨。漢書揚雄甘泉賦：「配帝居之縣圃兮，象泰壹之威神。」
 ⑮ 高闕：塞名。水經河水注：「河水又屈而東流，爲北河，東逕高闕南。」史記匈奴傳：「下至高闕爲塞。」一說山名。漢書衛青傳：「遣將軍衛青，出雲中至高闕。」注：「臣瓚曰：『山名也。』」
 ⑯ 雞鹿：塞名。在內蒙古鄂爾多斯右翼黃河西北岸。漢書匈奴傳：「送單于出朔方雞鹿塞。」後漢書和帝紀：「永元元年夏六月，車騎將軍竇憲出

雞鹿塞。」
⑤磧鹵：沙堆及鹹地。
⑥大漠：內蒙古大沙漠，卽古瀚海。
⑦溫禺：匈奴官名。匈奴大臣，有左右日逐王，左右溫禺鞮王，皆單于子弟將次第繼位單于者。
⑧尸逐：匈奴官名。匈奴異姓大臣，有左右骨都侯，左右尸逐骨都侯。
⑨鏑：刀刃。
⑩四枝：軍之一部稱一校。漢書衛青傳：「常護軍傅校獲王。」
⑪反旆：旆，軍旗。釋名：「雜帛爲旆，以雜色綴其邊爲翹尾也，將帥所建。」
⑫考傳驗圖：考核傳記，查驗地圖。
⑬涿邪：山名。在外蒙古西部。後漢書：「渡遼將軍鄧鴻與後諸軍皆會涿邪山。」
⑭安侯：河名。在外蒙古。漢書：「南單于上言北單于創刈南兵，遯逃遠去，依安侯河西。」
⑮躡冒頓之區落：踐踏冒頓之部落。冒頓，讀如默突。頭曼單于之子，殺父自立，英武有權略，破東胡，敗月氏，併樓煩，侵據河套一帶。逐年南侵，嘗圍高帝於白登。惠帝時，以國書侮呂后，嗣與漢和親。
⑯焚老上之龍庭：焚燒單于之宮庭。冒頓單于之子，名稽粥，號老上單于。文帝時，娶漢宗室女爲閼氏，仍時時寇擾邊境，殺害官吏。匈奴俗事龍神，龍庭卽爲單于祭天之所。
⑰據高文之宿憤：高祖嘗困平城。文帝時亦屢遭寇擾。史記高祖本紀：「高祖自將擊韓王信，遂至平城，爲匈奴所圍七日。」
⑱李陵答蘇武書：「昔高皇帝以三十萬衆困於平城。當此之時，猛將如雲，謀臣如雨；然猶七日不食，僅乃得免。」
⑲史記文帝紀：「匈奴攻朝那塞，殺北都尉。」
⑳據：發舒也。宿憤，猶積憤、舊恨。
㉑天聲：雷霆之聲。喻聲威之盛。揚雄甘泉賦：「天聲起兮勇士厲。」
㉒注：「善曰，天聲，如天之聲，言其大也。」
㉓刊石：刻石。
㉔鑠王師兮征荒裔：鑠，美。王師謂漢之軍隊。詩周頌酌：「於鑠王師。」

荒裔，廣雅釋詁：「荒，遠也。」裔，淮南子原道：「故雖遊於江潯海裔。」注：「邊也」。

⑤ 剿凶虐兮截海外：剿，絕也。夏書曰：「天用剿絕其命。」凶虐指匈奴。截，整齊。詩商頌長發：「相土烈烈，海外有截。」箋：「四海之外率服。」

⑥ 窺其邈兮互地界：廣雅釋詁：「窺，遠也。」楚辭九章懷沙：「邈而不可慕。」邈亦遠也。互地界，猶言率土之濱，無遠弗屆也。

⑦ 神邱：指燕然山。

⑧ 竭：與碣同。卽圓形之石碑。

⑨ 熙帝載兮振萬世：熙，廣大。載，事也。尚書堯典：「有能奮庸熙帝之載。」

二、郭有道碑

蔡邕

先生諱泰，字林宗，太原界休人也。其先出自有周王季之穆，有虢叔者，實有懿德，文王咨焉。建國命氏，或謂之郭，卽其後也。先生誕應天衷，聰睿明哲，孝友溫恭，仁篤慈惠。夫其器量弘深，姿度廣大，浩浩焉，汪汪焉，奧乎不可測已。若乃砥節厲行，直道正辭，貞固足以幹事，隱括足以矯時。遂考覽六經，探綜圖緯，周流華夏，隨集帝學。收文武之將墜，拯微言之未絕。

于時纓綏之徒，紳佩之士，望形表而影附，聆嘉音而響和者，猶百川之歸巨海，鱗介之宗龜龍也。爾乃潛隱衡門，收朋勤誨，童蒙賴焉，用祛其蔽。

州郡聞德，虛己備禮，莫之能致。羣公休之，遂辟司徒掾，又舉有道，皆以疾辭。將蹈鴻涯之遐迹，紹巢許之絕軌；翔區外以舒翼，超天衢以高峙。稟命不融，享年四十有二，以建寧二年正月乙亥卒。凡我四方同好之人，永懷哀悼，靡所寘念。乃相與惟先生之德，以謀不朽之事。僉以爲先民既沒，而德音猶存者，亦賴之於見述也，今其如何而闕斯禮。於是樹碑表墓，昭銘景行，俾芳烈奮于百世，令聞顯於無窮。

其辭曰：「於休先生^④，明德通玄^⑤。純懿淑靈^⑥，受之自天。崇壯幽浚，如山如淵^⑦。禮樂是悅，詩書是敦^⑧。匪惟撫華，乃尋厥根。宮牆重仞，允得其門。懿乎其純，確乎其操。洋洋搢紳^⑨，言觀其高。棲遲泌丘，善誘能教。赫赫三專，幾行其招。委辭召貢，保此清妙^⑩。降年不永^⑪，民斯悲悼。爰勒茲銘，摛其光耀^⑫。嗟爾來世，是則是效^⑬。」

【作者】

蔡邕，字伯喈，東漢陳留圉（今河南杞縣南）人。博學，工書法，善音樂。靈帝時官郎中，校訂五經文字，書寫鐫碑，立於洛陽太學門外，稱熹平石經，當時奉為標準。以直言為宦官所陷，下獄論罪，髡鉗流放朔方者九月。遇赦還鄉里，以避怨家，居吳中凡十二年。董卓當國，被迫至京，任祭酒，累遷侍書御史、尚書、侍中、左中郎將。後因坐卓黨，下獄死，年六十一。著有獨斷、蔡中郎集。傳見後漢書、琅邪代醉編。

邕長於碑銘，為漢末一大家。其文疏古跌宕，氣脈騁遠，卓然絕塵，後世殆無出其右者。

【題解】

郭有道，名泰。有道，漢時選舉科目之一，選有學問道德者。泰曾舉有道科，故云郭有道。泰為漢末名儒，先從成臯屈伯彥學，三年而通典籍。後遊洛陽，與河南尹李膺友善，名震一時，為諸儒所仰慕。歸鄉之日，送者車數千輛。隱居鄉里，教授弟子以千數。范滂嘗讚許

爲「天子不得臣、諸侯不得友」之高士。卒時，四方之士會葬者至千餘人。後漢書有傳。

碑，爲文體之一。刻文字於石，以紀行誼功德，多立於墓前，垂示後世。邕爲碑銘甚多，後人尊爲斯體正宗，而此文尤在諸碑之上。邕作此文，嘗謂盧植曰：「吾爲碑銘多矣，皆有勲德，唯於郭有道無愧色耳。」文心雕龍論碑云：「其敘事也，該而要；其綴采也，雅而澤。清詞轉而不窮，巧義出而卓立。」此文當之無愧。

【注 釋】

①諱：生曰名，死曰諱。周禮春官小史：「則詔王之忌諱。」注：「先王死日爲忌，名爲諱。」②太原界休：太原郡有界休縣，故城在今山西介休縣東南。③有周王季之穆：有，語首助詞，無義。有周，卽周。王季，周太王子，文王父，名季歷，武王有天下時，追尊爲王季。古宗廟之制，太祖廟居中，二世、四世、六世居左，謂之昭。三世、五世、七世居右，謂之穆。周禮春官小宗伯：「辨廟祧之昭穆。」注：「父曰昭，子曰穆。」案穆於此應作後裔解釋。④有虢叔者，實有懿德，文王咨焉：虢叔，周文王弟，封於東虢，故城在今河南滎澤縣之虢亭。懿德，美德。咨，訪問。左傳僖公五年：「虢叔，王季之穆也，爲文王卿士。」國語晉語：「文王卽位，而咨於二虢。」二虢卽虢仲、虢叔。⑤建國命氏，或謂之郭：卽以國號爲姓氏。左傳桓公二年：「天子建國，諸侯立家。」注：「立諸侯也。」左傳隱公八年：「天子建德，因生以賜姓，胙之土而命之氏。」命，名也。戰國策高誘注：「郭，古文虢字也。」⑥誕應天衷：誕，生也。或作「大」講。應，受也。天衷，天之善心也。左傳定

公四年：「施及寡人，以獎天衷，君之惠也。」④直道正辭：行爲正大，言論正直。仲長統昌言曰：「直道正辭，貞亮之節。」⑤貞固足以幹事：謂秉節堅貞，堪任大事。易乾文言：「貞固足以幹事。」疏：「言君子能堅固貞正，令物得成，使事皆幹濟。」幹，辦也。⑥隱括足以矯時：隱括，同隱括，一作隱括，木匠用以矯正邪曲的器具。韓詩外傳：「設於隱括之中，直己不直人，遽伯玉之行也。」鹽鐵論大論：「俗非唐虞之時，而世非許由之民，而欲廢法以治，是猶不用隱括斧斤，欲撓曲直枉也。」此謂行有法度，可以矯正時俗之非。⑦綜圖緯：採綜，探討綜合。圖指河圖。緯是依託經義，申言道家符籙瑞應之書。易、書、詩、禮、樂、春秋、孝經皆有緯。⑧周流華夏：周流猶言周游。陸賈新語：「夫子周流天下。」華夏，中國之古稱。⑨帝學：帝都太學，時在洛陽。⑩收文武之將墜：論語子張：「文武之道，未墜於地。」文武之道，指周文王、武王時所定禮樂制度。墜，亡失。⑪拯微言之未絕：拯，救也。微言，指孔子精微要妙之學說。漢書藝文志序：「昔仲尼沒而微言絕。」⑫纓綏之徒：纓是冠系。綏是冠飾。後漢書楊震傳：「天下纓綏搢紳。」纓綏之徒，猶言冠帶之倫也。⑬紳佩之士：紳是大帶，佩是玉佩。均儒學諸生禮服所佩繫者。⑭望形表而影附，聆嘉聲而響和：形表，形貌儀表。影附，如影附形。聆，聽。嘉，美。響和，如響應聲。莊子：「大人之教，若形之於影，聲之於響也。」後漢書郭泰傳：「泰身長八尺，容貌魁偉，褒衣博帶，周遊郡國。嘗於陳梁間行，遇雨，巾一角墊，時人故折巾一角，以爲林宗巾，其見慕如此。」⑮鱗介之宗龜龍：宗謂宗仰。鱗介爲水族之概稱。鱗，指有鱗的水族，如魚類是。